

Visokokvalitetan pregled

Možete se osloniti na to da se kvaliteta mamografije stalno provjerava i poboljšava. Koriste se digitalni uređaji s niskom dozom zračenja koji se redovno kontroliraju. Svi radiološki tehnolozi kao i radiolozi specijalno su školovani i imaju dokazano potrebno iskustvo. Ukoliko je potrebno, dodatno se uz mamografiju obavlja i pregled ultrazvukom.

Mamografija u brojkama

1.000 žena

obavi mamografski pregled

970 žena

dobije neupadljiv nalaz

30 žena

dobije poziv za dodatne preglede


od toga

24 žene

nemaju rak dojke

6 žena

dobije dijagnozu raka dojke



Pregled ranog otkrivanja raka dojke: Svake dvije godine

Međunarodna istraživanja preporučuju da se pregledi ranog otkrivanja raka dojke obavljaju u intervalima od dvije godine. To važi i u Austriji.



Kod suspektnih pojava i tegoba može se od liječnika/ljekara u svako vrijeme i nezavisno od starosne dobi dobiti uputnica za mamografiju.

Zakazati termin

U svakoj ustanovi za dijagnostičku radiologiju, koja učestvuje u programu za rano otkrivanje raka dojke, možete zakazati termin za mamografiju. Spisak ustanova za dijagnostičku radiologiju koje se nalaze u Vašoj pokrajini priložen je pismu podsjetniku koje Vam šalje socijalno osiguranje. Ustanove za dijagnostičku radiologiju širom Austrije naći ćete na stranici www.frueh-erkennen.at.

Molimo da na pregled obavezno ponesete sa sobom svoju e-karticu.

Nalaz ćete dobiti poštom ili direktno u ustanovi u kojoj je obavljena mamografija. Ako želite, nalaz će se poslati i Vašem ljekaru/liječniku odn. ljekarki/liječnici od povjerenja.

Besplatni telefonski servis:

0800 500 181

(pon – pet od 08.00 do 18.00 sati)

Više informacija naći ćete na:

www.frueh-erkennen.at

www.facebook.com/frueherkennen.oesterreich

Austrijska organizacija za pomoć oboljelima od raka (Österreichische Krebshilfe) preporučuje sudjelovanje u Austrijskom programu za rano otkrivanje raka dojke!



ÖSTERREICHISCHE KREBSHILFE
SEIT 1910

Impresum

Vlasnik medija i izdavač: Österreichische Gesundheitskasse, 1100 Wien, Wienerbergstraße 15–19; Koordinacijski ured Austrijskog programa za rano otkrivanje raka dojke. Ponovno štampanje ili umnožavanje dozvoljeno je samo uz izricitu saglasnost ÖGK.

Detalje o objavi prema § 25 Zakona o medijima naći ćete na www.frueh-erkennen.at

Austrijski program za rano otkrivanje raka dojke predstavlja zajedničku inicijativu države, socijalnog osiguranja, pokrajina i Austrijske ljekarske/liječničke komore.

www.frueh-erkennen.at

**Učinit ću to!
Iz ljubavi
prema sebi.**



**früh
erkennen**

ÖSTERREICHISCHES BRUSTKREBS-
FRÜHERKENNUNGSPROGRAMM



Program ranog otkrivanja raka dojke

O čemu se radi?

U Austriji svake godine oboli oko 5.000 žena od raka dojke. Mamografija je rendgenski snimak dojki i trenutno se smatra najprikladnijom metodom za rano otkrivanje raka dojke. Socijalno osiguranje zbog toga nudi ženama besplatan program ranog otkrivanja raka dojke.

Program ranog otkrivanja raka dojke namijenjen je ženama koje nemaju tegobe ili znakove koji ukazuju na moguće oboljenje od raka dojke, a ni povećan rizik za obolijevanje od raka dojke na osnovu porodične predispozicije.

Imate li tegobe? Molimo Vas da se u tom slučaju odmah obratite svom ljekaru/liječniku odn. ljekarki/liječnici.

Ko može učestvovati?

Sudjelovanje se **preporučuje** prije svega ženama u dobi između 45 i 69 godina.

● Imate između 45 i 69 godina

Vaša e-kartica se u tom slučaju svake dvije godine automatski aktivira za sudjelovanje u programu ranog otkrivanja raka dojke.

● Imate između 40 i 45 godina ili 70 godina i više

Ako želite otići na pregled ranog otkrivanja raka dojke, možete se jednostavno prijaviti online ili telefonskim putem.

Preporučujemo da se o tome konzultirate sa svojim ljekarom/liječnikom odn. ljekarkom/liječnicom ili da se informišete online na internetskoj stranici www.frueh-erkennen.at.

Prije nego što odlučite da li želite sudjelovati, trebali biste još znati, ...

... da pregled ranog otkrivanja raka dojke kao i svaka druga medicinska mjera pored koristi može imati i rizike. Učestvovanje je dobrovoljno.

Odvagati i odlučiti

Koristi

- Rak dojke ne može se spriječiti, ali se može rano otkriti.
- Na osnovu ranog otkrivanja terapije su blaže i šanse izlječenja bolje.
- Dugoročni cilj je smanjivanje smrtnosti od raka dojke.

Rizici

- Suspektan nalaz uzrokuje privremenu zabrinutost, iako se naknadnim pretragama ispostavi da je nalaz neupadljiv odnosno uredan.
- Postoje tumori koji sporo ili uopće ne rastu i koji se nikad ne bi uočili. Ako se kod mamografije otkriju, po pravilu se ipak preporučuje liječenje.
- Kod mamografije koriste se rendgenske zrake. Pri tome se doza zračenja svodi na najmanji mogući minimum.